


Teknologi gobek api orang Melayu



APABILA ditanya apakah teknologi yang pernah wujud di Malaysia, rasanya ramai yang tercengang dan kelu lidah untuk menjawabnya. Bukan kerana tidak tahu, tapi malu untuk berkata tidak pernah dengar nanti dikatakan kolot sebab tidak ambil tahu.

Sebenarnya di Malaysia ini kaya dengan pelbagai teknologi lama. Salah satunya adalah gobek api. Bagi anak Malaysia yang lahir zaman selepas merdeka, perkataan gobek api itu sesuatu yang sangat aneh. Apa lagi untuk dimengerti sebagai satu teknologi.

Mujur ada kolumn *Teknologi Alam Melayu* dalam majalah *Infiniti* keluaran Ogos 2016 yang



bercerita mengenai perkara ini.

Menurut Pengarah Muzium Warisan Melayu, Universiti Putra Malaysia (UPM), Dr. Muhammad Pauzi Abdul Latiff, gobek api kalau diletakkan maksud dalam kegunaan moden adalah serupa dengan pemetik api. Tugasnya untuk menghasilkan api.

Perkataan gobek itu berasal daripada perlakuan menggobek atau menumbuk melalui alatan khas ini bagi mendapatkan api. Tahukah anda, peralatan

ini boleh dianggap termaju di dunia dan kekal selama beberapa abad. Umum tahu, kita selalu diceritakan tentang cara tradisi mendapatkan api iaitu melalui kaedah primitif menggosokkan batu. Namun perkara ini nampak tidak sepadan dengan penemuan dan penciptaan gobek api.

Jelas Dr. Pauzi lagi, terdapat dua koleksi gobek api yang tersimpan rapi di Muzium Warisan Melayu Universiti Putra Malaysia (UPM). Koleksi pertama diperoleh dari negeri Kedah manakala koleksi kedua diambil dari Terengganu.

Kedua-dua peralatan ini mempunyai jurai status yang tinggi dalam masyarakat. Bagi koleksi dari Terengganu, pemilik asalnya ialah seorang individu

berstatus bangsawan. Ia dibuat menggunakan bahan-bahan berkualiti tinggi.

Antaranya, di bahagian hulu diperbuat daripada 'akar bahar' iaitu sejenis batu karang hitam yang diambil dari dasar laut. Bahagian hujung sarung menggunakan gading gajah manakala di bahagian batang atau antan, material utama ialah tanduk kerbau.

Sementara itu, bagi anda yang masih mencari-cari apa bahan yang sesuai untuk dibaca, carilah kami, majalah *Infiniti* yang sedang beredar di sekeliling anda. Untuk edisi Ogos 2016, ada pelbagai kisah menarik yang bakal membuka minda anda. Berhibur Mencari Dunia Terang, Berfikir Dalam Dunia Gelap.